

OKETOPA  
2024

**FIAFIA LASI**  
Fakaasi **A LAGONA**  
Tonu Mo  
Tamaliki



Say  
**Yes!**  
TO KIDS  
CAMPAIGN

Chris Oyakhilome

**FIAFIA LASI O**  
Fakaasi **A LAGONA**  
Tonu Mo  
Tamaliki





**ISSN 1596-6984**

**OKETOPA 2024**

A saolotoga katoa e taofi mai lalo o tulafono i te Lalolagi ki te Fakaogaaga o Tususiga.

A mataupu mo/io me ko te 'kava mai tua o te tusi e mafai o se lomigina katoa io me i se vaega manafai e seal se taliaga ne tusi mai te LoveWorld Publishing.

Kafai e seai se fakailoaga, a Muna siki katoa pela foki mo feitu i tafaoga ne aumai katoa mai te *New King James Version o te Tusi Tapu*.

**FAKATOETOEGA O NISI LOMIGA**

GW - GOD'S WORD

CEV - CONTEMPORARY ENGLISH VERSION

TLB - THE LIVING BIBLE

NLT - NEW LIVING TRANSLATION

**PELETANIA:**

Unit C2, Thames View Business Centre, Barlow Way, Rainham, Essex, RM13 8BT.

Tel.: +44 (0)1708 556 604

+44 (0) 8001 310 604

**AMELIKA:**

Loveworld Publishing USA,  
28, Prestige Circle,  
Suite 1100,  
Allen TX 75002.

Tel.: +1 (469) 656-1284

+1 (800) 620-8522

**CANADA:**

4101, Steeles Ave., West,  
Suite 204, Toronto, Ontario,  
Canada M3N 1V7.

Tel.: +1 416 667 9191

**SOUTH AFRICA:**

303, Pretoria Avenue,  
Cnr. Harley and Braam  
Fischer,  
Randburg, Gauteng, 2194,  
South Africa.

Tel.: +27 11 326 0971

**NIGERIA:**

Plot 105, Chris Oyakhilome Crescent,  
Durumi, Abuja.

Plot 22/23, Billingsway Road,  
Oregun, Ikeja, Lagos.

P.O. BOX 13563 Ikeja, Lagos.

Tel.: +234 201 8888 186

+234 201 3300 102

**Laupepa Iti:**

[www.kiddiesloveworld.com](http://www.kiddiesloveworld.com)

**Meli Iti:**

[info@kiddiesloveworld.com](mailto:info@kiddiesloveworld.com)

Copyright © 2024 ne te LoveWorld Publishing

# Fakasolooga 9 Mataupu

## Tala

*Laupepa 6-17*

## Fakailoaga Tonu Mai Te Tusi Tapu

*Laupepa 18-19*

## Tala

*Laupepa 20-31*

## Tafaoga & Mea Ke Fai

*Laupepa 32-33*

## Tala

*Laupepa 34-40*

## Tafaoga & Mea Ke Fai

*Te Laupepa 41*

## Fakailoaga Gali

*Laupepa 42-43*

## Tala

*Laupepa 44-46*

## Talo O Te Fakaolataga

*Te Laupepa 48*

Igoa:

Tausaga:





## Talofa ki te masina o **OKETOPA**

Fakataalofa atu kae ko 'kami fakaaloalo atu ki te masina gali faopoopo tenei fakatasi mo tau fakasologa fai talosaga e fiafia koe kiei, te ***Fiafia Lasi O Fakaasi A Lagona Tonu Mo Latou Ko Kamata Faitau***. E talitonu au me ne lasi tou fiafia ki fekau taaua i loto iei.

Te lomiga o te masina tenei e uke a fekau fakamalosi e pela mo te Fakamanuia Tou Atufenua, Te Alofa E Saga Mo Te Lei O Nisi Tino, Sa Nofo Se Faipati; Molimau! Ke Loto Fiafia, Fakamaonia Tou Alofa mo nisi aka foki.

E isi aka foki? E isi ne tafaoga gali mo fakafonufonuga o pati mo koe. E isi foki se Fakailoaga Gali e fakatomua penei “***A Mea E Manakogina Ke Iloa Ne Koe E Uiga Mo Valoaga – Vaega 1.***” A mea katoa konei mo nisi mea e uke aka e i loto i te lomiga fai talosaga i aso takitasi o te masina tenei, te ***Fiafia Lasi O Fakaasi A Lagona Tonu Mo Latou Ko Kamata Faitau***. Masaua o fai a takutonuga mo talosaga i fakaotiga o tusitusiga takitasi. Te Atua ke fakamanuia atu.

# Te Talosaga mo Nisi Tino

Asolua

# 1

A te mea muamua e fakatagi atu ei au, au e fakamolemole atu ki a koutou ke fai otou fakatagi mo talosaga, 'talo mo nisi tino, mo 'talo fakafetai ki te Atua moo tino katoa

## 1 Timoteo 2:1

Talo mo nisi tino (intercession) ko te faipati io me fakamolemole moo te sua tino. Kafai koe e talo mo nisi tino, a koe e faipati ki te Aliko moo te lei o te sua tino.

E pela me se tama a te Atua, e isi sou tiute o talo mo latou e alofa koe kiei, ou matua, taugasoa, ou falepili, mo tou atufenua. Te mea nei se tiute e taaua.

Fakaoga sou taimi o talo mo tamaliki kola e masaki i loto i fakaimasaki, latou ko seai ne olotou matua, mo latou e seai ne tino e tausi atu ki a latou. Talo ko te loto o te Atua ke fai i loto i olotou olaga, kae ke motu keatea te malosia o te fili mai ia latou. Kafai e talo koe moo latou penei, e fai ne koe ke mafai a te loto o te Atua o tupu aka i loto i olotou olaga.



## Tusi Faitau-Efeso 6:18

Ke Fai  
Te Talo

6

Fakafetai, te Tamana faka te lagi, mo te fakaasi mai ki a au a toku tiute o talo mo nisi tino. Au e talo mo tamaliki i te lalolagi ko olotou manakoga ke maua ne latou, kae ke puipuigina latou mai te pakia, i te Igoa o Iesu. Amene.

Asotolu

2

# Te Talosaga o te Maliega Fakatasi

Au e toe fai atu ki a koutou: me kafari e loto ma'lie se tokolua o koutou ki se mea, kae 'talo atu ki te Atua mo te mea tena, e fai e iloa ne toku Tamana i te lagi.

## Mataio 18:19

Te Talosaga o te Maliega Fakatasi ko te aumai fakatasi o se tokolua io me silia atu o tino o talo e uiga mo se mea fakapitoa io me talo moo se tino.

Masaua a Tanielu mo ana taugasoa? Tupu ko Nepukanesa ne isi sena moemiti e tai fakanumi kiei; ne fakatonu atu a ia ki ana tagata poto i tena malo ke fakamatala atu ki a ia tena moemiti mo te uiga, kae seai se tino ne mafai ne ia. Kae ko Tanielu ne kalaga ki ana taugasoa e tokotolu, kae ne talo latou kiei, kae ne tali te Atua; ne fakaasi ne la ki a Tanielu te moemiti mo tena uiga (Tanielu 2:17- 23).

E isi se mea io me se tino e manako ke talo koe kiei? E mafai ne koe o fai ki ou taugasoa ke fakasoko fakatasi otou fakatuanaki kae talo koutou e uiga mo te mea tena; kae ka maua ne koutou te vavega e manako koutou kiei.



## Tusi Faitau-Tanielu 2:17-23

Te Tamana alofa faka te lagi, fakafetai lasi, mo te fakaasi mai te mana i te talo o te maliega fakatasi. Tela la, ko lavea atu te fakaasiga o te motou manakoga e fakapitoa mo atufenua mo fakai lasi, i te Igoa o Iesu. Amene.

Ke Fai  
Te Talo

7



# Te Talosaga O Te Fakafetai

Asofaa

# 3

Te Aliko, se mea sili i te lei o avatu a fakafetai ki a koe, O usu a pese o tavaega ki tou malu, Ko te Atua Tafasili i te Maluga.

## Salamo 92:1

Te talo tenei e siki te fakafetai, vikiga mo tavaega o te Aliko ona ko ana mea ne fai ne la mo koe, tou kaaiga, taugasoa, te lotu mo te atufenua.

I te aso e tasi, ne fano a Iesu ki loto i se fa'kai tela ne fetau kae faka'lei ne la a tino lepela e toko sefulu. Ne olo latou mo te fiafia kae e tokotasi mai ia latou ne foki o fakafetai ki a Iesu. Ona ko te pogai tena, ne seki fakalei fua tena lepela, a koga katoa o tena foitino kola ne pokotia ne te lepela ne fakalei katoa (Luka 17:11-19).

Tela la, fai ko tou loto ke fonu i tavaega mo fakafetaiga i te aso nei mo mea katoa ko oti ne fai ne te Aliko mo koe. Ke fonu tou loto i te fakafetai ki mea katoa ko oti ne fai ne la mo koe. Masaua, te Aliko e 'tau o avatu kiei a vikiga mo tavaega.



## Tusi Faitau -Salamo 119:2

Ke Fai  
Te Talo

8

Te Tamana alofa faka te lagi, au e fakafetai atu, mo tou fakamaoni mo tou atafai mai ki toku kaaiga, oku taugasoa mo toku atufenua. Au e tapuaki atu ki a koe tokotasi i te aso nei, i te Igoa o Iesu. Amene.

Asolima

# 4

## Talo Mai Tou Loto

...A te 'talo a te tino amiotonu e lasi tona mana.

### Iakopo 5:16

I aso e tolu konei ko teka atu, ne fakailoa atu ki a koe a vaega talo kesekese.

Ke mafai o maua se vaasia pili mo te Aliko, e 'tau mo koe o talo. E fakaigoa ne au me ko te talo mai te loto, e pela mo te fakamatalaga mai te tusi faitau; te mea tena ko te talo fakatauana. Talo mai tou loto e fai ne ia te talo ke matagi kae fakafiafia.

Ko te talo mai tou loto ko te tumau te saga tonu ki mea kola e talosia ne koe kae sei ne mea e fakalavelave atu. Taimi nei e se koia ko taimi o mafaufau e uiga mo aisikulimu io me ko mea tafao, sei foki se taimi ke kilokilo valevale koe. Ikai! Te mea nei ko te taimi e tuku tonu tou mafaufau ki mea e talosia ne koe. Kafai e tumau koe o fakasaga tonu i talosaga, ka faigofie te lagona ne koe a te Aliko, kae maua foki a tali ki au talosaga.



### Tusi Faitau-Salamo 119:2

Te Tamana pele faka te lagi, au e fakafetai atu mo te fakafonu mai ne koe toku loto ki au ki tou finagalo; tela la, e takitaki ne ia a toku mafaufau ke talo kae fakasaga tonu loa ki taku talo, i te lgoa o Iesu. Amene.

Ke Fai Te Talo

# Fakamanuia Tou Atufenua

Asoono

# 5

A te fa'kai e gasolo o takutakua manafai e fakamanuia ne tino amiotonu; kae e masei valevale i muna a tino amio masei.

## Faataoto 11:11



Te muna o te aso nei e fakaasi mai ki a tatou a te faiga ke takutakua io me fakamasei se atufenua. E auala i 'tou pati fakamanuia, a 'tou atufenua ka fakamanuiagina, ka maumea kae fanofano lei ana mea e fai, kae ko gutu o tino amio masei e mafai o fakamasei ne ia e auala i pati e faipatigina. E fakaasi mai iei me e isi se 'mana o pati (Faataoto 18:21).

Tela la, au e fakamalosi atu ki a koe ke tumau o faipati ne koe pati fakamanuia, pati o te filemu, te fano ki mua mo te maumea ki tou atufenua. Sa kau atu ki a latou kola e muimui; kae fakaasi ki a latou e auala i te Muna a te Atua te auala sao o faipati e uiga mo olotou atufenua. Kafai ko iloa ne koe o faipati i te auala sao e uiga mo tou atufenua, ka lavea ei ne koe a fakamanuiaga, mea lei mo te alofa fakamagalo o te Atua ki luga i te atufenua i taimi katoa.

## Tusi Faitau-Iopu 22:28

**Ke Fai  
Te Talo**

10

**Fakafetai te Tamana faka te lagi,  
mo toku atufenua. Au e faipati te  
filemu, te maumea i luga i omotou  
laukele e pela foki i luga i tuakoi o  
te atufenua, i te lgoa o Iesu. Amene.**

Asotapu

6

## Tautua: Te Auala 'Funa Ki Te Sili

... kafari se tino ia koutou e manako ke sili a ia, e 'tau mo ia o fai mo tavini a koutou.

### Mataio 20:26

I te muna o te aso nei, te Aliko Iesu e fakaasi mai ki a tatou me i te auala 'funa ki te sili ko te tautua. Tino takutakua e tautua me tena te auala 'funa ki te takutakua.

Tavita ne tautua tena kaaiga i te tausi ne ia a mamoe a tena tamana, kae ona ko tena loto tautua, ne fakasopo aka ne te Atua a ia ke fai mo tupu o Ana tino, Isalaelu. Setioa o fai a tino me ko ia ko te toe tupu takutakua loa o Isalaelu, kae ne kamata katoa mai tena loto fia tautua.

Tauloto o tautua. Kafai e isi ne galuega e fai atu ki a koe ke fai i te fale io me i te akoga, sa faka'piko ou mata io me kaitaua; kae fai pela mo Tavita, loto maulalo kae tautua mo te mata fiala. Tenei te auala 'funa ki te takutakua.



Tusi Faitau-Maleko 9:35;  
Loma 12:10

Au e takitakigina ne te Atamai o te Atua i aso katoa kae e tautua atu au mo te loto maulalo, mo te alofa ki te Aliko i mea katoa e fai ne au.

Faipati  
Penei

11

# Faipati Ki Pati Sao

Asogafua

# 7

Te Aliko, toku lafiga mo toku fakaolataga, Ke talia mai ne koe aku muna mo oku mafaufauga!

## Salamo 19:14

E taaua ke faeteete faeloa koe i au pati e aumai mai tou gutu i taimi katoa. Au pati e 'mana, a ko au pati e fai ka taunu eiloa. Tenei te pogai e taaua iei ke faeteete faeloa koe i au pati e fai, ke faipati faeloa ne koe a pati sao.

Te tala o te fafine mai Sunema se ata fakaasi mo tatou. Ne toe mate loa tena tama e tokotasi, kae i te fesili atuga o te Pelofeta Elisaia kiei me se a te mea e tupu, kae ne tali a ia, "...e lei faeloa mea katoa" (2 Tupu 4:26). Ko siliga te takutonuga tenei! Se 'poi foki tatou me i tena tama ne mate ne toe ola mai (2 Tupu 4:26-37).

Sa vave o fameo kae fai a pati e fakamasei. Fai ke fonu koe i Muna a te Atua kae faipati faeloa ne koe ki tua i te fakatuanaki faitalia me pefea te tulaga iei. Kafai ne koe pena, ko faite ne koe a te olaga i te malu, te gali mo te lei katoatoa.

## Tusi Faitau-Epelu 13:5-6

Faipati Penei

12

Au e ola i te olaga 'malu, o fakamanuiaga mo te lei katoatoa. E lavea ne au a fakamanuiaga a te Atua i oku tafa katoa a ko au e sasale i loto i fakamanuiaga konei. Aleluia!

Asolua

8

# Te Alofa E Saga Ki Te Lei O Nisi Tino

A te alofa, e kufaki kae kaimalie; e se kaisano io me fakamatamata; e se amio masei io me se ava. A te alofa e se 'sala ana mea i a ia e iloa; e se kaitaua vave io me e fakamasausau ne ia a mea 'se a se tino;

## 1 Kolinito 13:4-5

A nisi tino e saga loa mo latou e iloa, kae ko tama a te Atua e se 'tau o fai penei.

Masaua, a te alofa o te Atua ko oti ne 'ligi ki loto o tatou (Loma 5:5). Ko tena uiga e nofo ia tatou a te natula o te Atua- te Alofa! Te taaua o te alofa o te Atua ko te kaimalie. Tena te pogai e se 'tau mo koe o kaimanako. Te alofa o te Atua e se saga fua ki a ia e iloa, kae e atafai ki nisi tino.

Tela la, fai ke kесе koe me ko fai ne koe te alofa o te Atua i loto ia koe ke 'tafe atu fua ki so se tino: fakaasi ki a latou te alofa tonu, te atafai mo te lei.



## Tusi Faitau-Loma 5:5

Fakafetai, Tamana faka te lagi, mo te fakafonu mai au ki tou alofa tela ko fai ne ia au ke kaimalie, kae saga foki mo te lei o nisi tino i toku lalolagi, i te lgoa o Iesu. Amene.

Ke Fai  
Te Talo

13

# Ke Fakamaoni kae Galue Faka'lei

Asotolu

9

So se galuega e fai ne koutou, ke fai mo te loto katoatoa, e pela e iloa me tavini atu koutou ki te Aliko kae se ki tino.

## Kolose 3:23

E isi ne tamaliki e se manako ke avatu ne olotou tiute. E se saga tonu ki galuega mo mea e avatu ke fai ne latou. Ne uiga e se lei kona. Te Tusi Tapu e fai mai me i mea katoa e fai ne koe moo te Aliko. Kafai e fai pena a koe, e fakaasi mai iei ia koe e galue faka'lei kae e fakamaoni.

A Samuelu, i te taimi ne tautua iei ki te Pelofeta ko Eli, ne galue faka'lei a ia o fai a mea e fakatonu atu ke fai, kae e seai se muimui. Tavita ne kamata o tautua i te tausiga ne ia a mamoe mo kouti a tena tamana, ke oko ki taimi ko fakaeke aka a ia ne te Aliko ke fai mo tupu. A te Aliko ka avatu a tiute lasi ki a latou kola ko oti ne lavea atu e fakamaoni kae galue faka'lei i galuega e avatu ke fai. E se fakapoi te filigina o Samuelu ke fai mo pelofeta e lauiloa i te otiatuga o Eli, mo Tavita e pela me se tupu takutakua mai tua o Saulo.

E pela mo Samuelu, ea, e se manako koe ke filigina ne te Aliko a koe ke fai a tiute mo fakamanuiaga e lasi atu? Tauloto ke iloa ne koe o galue faka'lei kae fai au galuega e pela loa me fai moo te Aliko.

## Tusi Faitau-Efeso 6:6-7

Faipati  
Penei

**Au e fai aku galuega, aku tiute  
mo aku meaakoga fakalei, mo te  
fakamaoni mo te loto fiafia!**

Asofaa

10

## Sa Nofu Se Faipati; Molimau!

Ne manumalo o'tou taina ona ko te toto o te Tama Mamoe tela ko lesu pela foki mo te muna tonu ne folafola ne latou; ko ko toka foki latou o ofo atu olotou ola mo ia, ke oko ki te mate.

### Fakaasiga 12:11

Te Tusi Tapu e fakamatala mai se tala e fakamalosi loto e uiga mo te tagata tenei ne ulufia ne temoni kae ne fakalei a ia ne te 'tou Aliko ko lesu Keliso. Ne fakamau ne te Tusi Tapu me i te tagata tenei ne seki nofo se faipati e uiga mo te mea ne tupu ki a ia. "...a te tagata ne fano i te fa'kai katoa, kae ne fakamatala ne ia a mea ko oti ne fai ne lesu moo ia" (Luka 8:39).

Ke vave koe o faipati e uiga mo te mea ne fai ne te Atua mo koe. Fakailoa ki se tino e uiga mo Tena alofa, tena alofa fakamagalo, tena tuku mai, mo fakamanuiaga i loto i tou olaga. Kafai ne koe pena, a koe e fesoasoani ki a ia ke isi sena fakatuanaki ke maua ana vavega, kae ke fai foki pena mo koe o molimau ki nisi tino.



### Tusi Faitau-Luka 8:39

**Ka pakalaga ne au i luga o mauga, kae taku atu ne au a mea katoa ne fai ne te Aliko moo au. Aleluia!**

**Faipati  
Penei**

15



# Sa Muimui; Faipati!

Asolima

# 11

E mafai ne koe o fai atu ki te mauga tenei, “Masiki mai i konei, ke pei ‘tuki koe ki te tai.” Kafai e se fakalotoloto lua koe, kae talitonu me i muna kola ne faipati ne koe e taunu e iloa, e fai e iloa pena moo koe.

## Maleko 11:23

Se mea e masani ko tino ke muimui e uiga mo tulaga e se fiafia latou kiei. Kae ko te muimui e se fakamafuli ne ia se mea io me se tulaga.

E se fuli ne koe a se tulaga mai te muimui o koe io me ko te faipati e uiga mo te feitu tena, ikai; kae e mafai ma faipati koe kiei. Te muna fakapitoa o te aso nei e fai mai, “... e mafai ne koe o fai atu ki te mauga tenei...” Ko tena uiga a koe e ‘tau o faipati atu ki te tulaga tena.

Te tulaga tena e mafai se fiiva io me se fakalavelave e tupu ki se tino e pele ia koe, sa muimui io me faipati e uiga mo te masei o te tulaga tena. Kae faipati kiei i taimi e faipati ei koe ki ‘gana kesekese, tela e faipati ei ne koe au pati o te fakatuanaki i luga o te tulaga tena. Ko onono ei koe ki tena mafuliga. Aleluia!

## Tusi Faitau -Mataio 21:21

**E faipati ne au aku pati e fonu i te fakatuanaki i luga o tulaga faigata, tela e fakatonu ei a te fakamafuliga i te lgoa o Iesu. Amene!**

**Faipati Penei**

16



Asoono

12

## E Siliga Atu Tou Taaua

Ke 'kilo koutou ki manu eva; a latou e se 'toki saito, io me kati saito, io me fakaputu i fale saito, kae fagaigina eiloa latou ne te otou Tamana tela i te lagi. E se sili la a te otou taaua i a latou?

### Mataio 6:26

Kafai a te otou Tamana faka te lagi e tausī fakalei ki manu eva o te ea, ki loo i te laukele mo pulalakau o te malae, e mafai ne la kae e mautinoa tena tausiga ki a koe me ia koe e sili atu te taaua kae pele i loo o manu eva io me ko pulalakau.

Tela la, "kae kafai ko te Atua ne fakalavalava ne ia a mouku o te vao konei e ola i te aso nei, kae pei ki te afi i te aso a taeao; e se sili atu la te fakalavalava ne ia koutou..." (Mataio 6:30).

Tela la, sa fai ko mea e manako koe kiei ke fakafanoanoa ne latou koe; kae ave ne koe ki te Alikī i talosaga, me e mafai ne la o fai a mea ke uke atu i mea e fakatagi atu ei tatou io me mafaufau kiei (Efeso 3:20). A la se Tamana e sili i te alofa!



### Tusi Faitau-Luka 12:31

Fakafetai te Tamana alofa faka te lagi, mo tou alofa lasi mai mo au. Au e malooloo i luga i tau Muna tela e se mafai o takavale, me e iloa ne au ia koe e alofa lasi mai ki a au, i te lgoa o Iesu. Amene.

Ke Fai Te Talo

# FAKAMATALAGA TONU I TE TUKITAPU



## TAVITA

1. Tavita ne vau mai te matakaiga o Iuta (1 Samuelu 17:12).
2. Tavita ko te toekimuli o te fanauga e tokovalu tamaliki tagata a Iese (1 Samuelu 17:12-14).
3. Tavita se leoleo mamoe; e puipui, kae fakasao ne ia a mamoe a tena tamana mai i gutu o ulosa mo leona (1 Samuelu 17:34-36).
5. Tavita ne fakaigoa foki ko "te tagata e fai te loto o te Atua" (Galuega 13:21-22).
5. Te Atua ne fili ko Tavita ke fai mo Tupu o Isalaelu (1 Samuelu 16:1-13).

# FAKAMATALAGA TONU I TE TUʻI TAPU

6. Tavita se tagata talenia i miusika, se tino tusi pese; ne tusi ne ia a nisi tusi o Salamo (1 Samuelu 16:17-19, Salamo 33).
7. Tavita se tamataene loto toa. Ne fakatakavale ne ia te toa o Filisitua, Koliata, ki tena sana fatu mo te fatu (1 Samuelu 17:49-50).
8. Seai loa se taua ne takavale iei a Tavita i tena taimi tupu (2 Samuelu 8:1-10).
9. Tavita ne fauu ne Samuelu ke fai mo tupu (1 Samuelu 16:13).

# Te Sili Sala Kese A Te Atua

Asotapu

# 13

A tatou ne faite ne te Atua, kae i te tou 'soko tasi mo Keliso Iesu, ko fai ei ne ia tatou ke ola i se olaga fai mea 'lei, tela ko leva ne fakatoka ne ia mo tatou ke fai ne tatou.

## Efeso 2:10

Te mea e sili sala kese se mea tafasili i te gali a te tino ne faite, i nisi fakamunaga, tena loa te mea e sili i te gali. I te auala foki tena, a koe ko te mea ne faite ne Atua tela e sili i te gali! Tena te pogai e se 'tau lele e iloa mo koe o manatu faataua ki a koe e iloa. Aleluia!

A koe e fakaofogina ki tou lalolagi, ne faite ki te ata mo te fakatusa o te Atua Tafasili Te Maluga. Kafai e isi sau kilo, kilo ki tou ata i te kilo, te tino tena e kilo atu ki a koe ko te mea tafasili i te gali kae lei a te Atua ne faite —Tena sili sala kese!



## Tusi Faitau-Isaia 43:7

**Faipati  
Penei**

20

Au ko te sili sala kese, Tena mea ne faite tafasili i te gali mo te lei; tela la, au e ola i te 'malu, te gali mo te tafasili i te lei i aso katoa. Aleluia!

Asogafua

14

# Ke Loto Fiafia!

Au e loto ke fiafia koutou, kae ke fiafia faeloa i te Aliko; ko toe fai atu foki au, ke fiafia koutou.

## Filipi 4:4

Te fiafia se fuataga o te fanau fou, e isi faeloa i loto i fanau katoa a te Atua. Ko tena uiga e mafai ne koe o fiafia faitalia me se a te tulaga i ou tafa.

Te Apositolo ko Paulo se tasi o ata fakaasi o se tino tela e fiafia e tiga iei a fakalavelave e fakafeagai mo ia. Tena te fakamalosiga a ia ki Kelisiano ke fai foki pena; ke fiafia i taimi o tofotofoga mo fakalavelave (Iakopo 1:2-4). E pela me se tama a te Atua, e faitalia me se a te fakalavelave, a tou manumalo e mautinoa (2 Kolinito 4:8-9). Tena te pogai a Paulo e fiafia faeloa faitalia me ne a mea e fakafeagai mo ia.

Tela la, filifili te fiafia mo te loto naunau i aso katoa. Sa talia se tino io me se mea ke fai ne ia koe ke se fiafia. Masaua, te fiafia o te Aliko ko tou malosi.



Tusi Faitau-Neemia 8:10;  
Iakopo 1:2-4

Au e fiafia kae matagi i aso katoa, me i te fiafia o te Aliko ko toku malosi. Aleluia!

Faipati Penei

# "Faka'kona Ki Te Masima"

Asolua

# 15

Ke isi se alofa i otou pati e fai sale, ke faka'kona foki ki te masima ke tumau tena aoga, ko te mea ke iloa ne koutou o tali atu ki so se tino e fesili mai ki a koutou.

## Kolose 4:6

Meakai e se faka'kona ki te masima e se tami gali kae se fia kai foki kiei. E uke a taimi, e tokouke a tino e se fia kai ki vaega meakai pena.

E pela foki loa mo meakai e gali atu ma faka'kona ki te masima, au pati e mafai foki o faka'kona. Tela la, fai a pati e aoga kae tonu. Fai pela me se fakamalosiga ki a latou e fakalogologo ki a koe.

Fai ko au pati ke fonu i te lei, te loto maulalo, te atafai mo te alofa. A koe ko te tama a te Atua, tela la, fai au faiga pela mo la i te fakaoga o pati aava, atafai kae alofa tela ka fakamanuia ei a tino katoa e lagona ne latou a koe.



## Tusi Faitau-Efeso 4:29

**Faipati  
Penei**

**Toku loto ko fonu i te Muna a te Atua; au e faipati ki pati kola e aoga kae tonu. Aleluia!**

Asotolu

16

# Te Tama A Te Atua Tafasili I Te Maluga

Au ne fai atu, "A koutou katoa ne atua; Ka ko koutou foki ne tama katoa a te Atua Tafasili i te Maluga."

## Salamo 82:6

Te muna i te aso nei e faipati e uiga mo koe; ao, a koe! Mafaufau fakalei e uiga mo te mea nei, a koe ea te Atua te tama pele. Ea, e gali tena? E sili atu te gali i loo o te fai me se tama a te pelesitene io me ko te ulu o te malo o so se atufenua.

A koe ko te tama a te Atua, ko la ne faite a lagi, te lalolagi mo mea katoa iei. Vikia te Atua! Ko 'tau o sasale fiafia koe, kae fakamisikata. A koe e se ko te masani, a koe e sili sala kese, te tama a te Atua Tafasili te Maluga.

Tela la, fano i au fanoga i te aso nei kae fakatonu tou foitino kae sau ki luga tou kauvae, me e iloa ne koe i a la tela ne faite a lagi mo te lalolagi ko tou Tamana. Aleluia!



## Tusi Faitau-1 Petelu 2:9

A la ne faite a lagi mo te lalolagi ko toku Tamana. Tela la, au e sili sala kese kae taaua. Aleluia!

Faipati  
Penei



# Te 'Taula O Tou Olaga

Asofaa

# 17

Ko iai i a tatou a te fakamoemoega tenei ko fai mo taula i o'tou loto. Se fakamoemoega e iloa tonu kae mautakitaki...

## Epelu 6:19



Kai lavea aka loa ne koe se taula? Se mea fiti e 'mafa kii i loto i vaka kae e fakaoga mo taofi a vaka ke se tapea manafai ko taula. Te taula, kafai e faka'pau mo te vaka, e foliki kii. Kae, e mafai ne ia o taofi te vaka i te koga tena faitalia me pefea te lasi o te vaka.

Te Muna a te Atua ko te taula o tou olaga. E mafai ne ia o fai koe ke manuia, ke ola lei kae malosi kae fai ke tumau pena.

Tela la, tausi mau ki te Muna. Tauloto, mafaufau loto kiei kae fakagalue ne koe ke pena. Te Muna e lava tena malosi o ave tau faigamalaga i te olaga, kae fai ne ia ke taunu ia koe a mea e faipati kiei. Aleluia!

## Tusi Faitau-Luka 6:47-48

**Ke Fai  
Te Talo**

24

Te Tamana alofa faka te lagi, fakafetai lasi, mo te aumai ne koe tau Muna ke fai mo taula o toku agaga. E fakatumau ia au a te manuia, te lei katoatoa mo te manumalo, i te lgoa o Iesu. Amene.

Asolima

18

# Fakamaonia Tou Alofa

Ka ko te Atua ne fakaasi mai ne ia ki a tatou a tona alofa, i te taimi koi fai ei tatou mo tino agasala; me ne mate a Iesu mo tatou!

## Loma 5:8

Te alofa e fakamaonia ki pati mo faiga. Te Atua ne fakamaonia Tena alofa moo tatou i te uga maiga o Tena Tama, Iesu, ke mate mo 'tou agasala (Ioane 3:16). E fakaasi mai iei me i te alofa ne seki faipatigina fua, kae ne fakamaonia i faiga.

Koe e alofa ki te Atua? Au e talitonu me e maluga tau faka ao! Fakamaonia la, kae sa faipati fua ne koe.

Fakamaonia i tou tautua ki te Aliko kae faipati ki nisi tino e uiga mo la, kae lafo atu foki ki te lotu mo fai te galuega o te Tala Lei. Alofa atu kae atafai foki ki nisi tino.



## Tusi Faitau-1 Ioane 4:19

E fakamaonia ne au toku alofa ki te Aliko i te fai ne au so se mea moo la, fakaola a agaga, kae fakaasi te alofa mo te atafai ki tino katoa i toku olaga. Aleluia!

Faipati  
Penei

25

# Sa Fakavaivai!

Asoono

# 19

Ne tuku atu foki ne Iesu a te tala fakatusa, e akoako atu ki a latou ko te mea ke 'tau mo latou o 'talo sale, kae ke se fakavaivai.

## Luka 18:1

Nisi tino e vave o loto vaivai io me tiakina atu loa manafai e se matea ne latou a tali fakavave ki olotou talosaga. E se 'tau o fai koe pena me i tena uiga e sei sou fakatuanaki mai te kamataga.

Masava te tala o Apelaamo? Tena avaga ko matua kii ko seke foki mo tausaga fanafanau a ko te Atua ne fai kiei me i a ia ka fai me se tamana. Te Tusi Tapu e fai mai, "Ne seki teka e iloa keatea mo ia tona fakatuanaki, kae se fakalotoloto lua foki ki te feagaiga a te Atua; i te mea ko fakafonu a ia ne tona fakatuanaki ki te mana, kae ne viki ki te Atua" (Loma 4:20). Apelaamo ne seki fakavaivai ke oko ki taimi ne maua ei ne ia te vavega.

E isi se mea ne talosia kae talitonu koe ki te Atua ke maua? E mafai se fakaleiga o se tino e alofa koe kiei, io me se fakaolataga o se taugasoa, sa fakavaivai ke oko ki taimi ko lavea ei ne koe te fakaasiga o au talosaga.

## Tusi Faitau-Faataoto 24:10

**Ke Fai  
Te Talo**

26

Au e tumau kae se fakagasuesue i toku fakatuanaki ki mea ko oti ne fai mai te Aliko e uiga mo au, e mafai ne la o fakataunu, i te Igoa o Iesu. Amene.

Asotapu

20

# Viki Ki Luga Ki A Ia

Ke avatu eiloa ne tatou a tavaega ki te Atua ke fai mo o'tou taulaga ki a ia e alatu i a lesu; ko tona uiga, ke 'viki faeloa tatou ki tona igoa i o'tou leo.

## Epelu 13:15

Te 'tou Atua ko te atua tafasili i te 'malu. Ne faite ne la a lagi, te lalolagi, mo mea katoa iei. E 'tau o avatu kiei a vikiga mo tavaega. Ko tena uiga, kafai ko vikia ne tatou a la, e se 'tau o fai malielie ne tatou; kae e 'tau o ka'laga ki luga ne tatou ona vikiga.

Masaua a te tala o Paulo mo Sila? Te Tusi Tapu e fai, me i taimi e nofo iei i te fale puipui, ne usu ne lava a vikiga o te Atua, kae ne lagona mai ne nisi pagota (Galuega 16:25). Te mea ne tafa atu kiei ko te ma'talaaga o seni mai te mafuie (Galuega 16:26).

Viki loa i luga ki te Atua, kae viki mai te loto, e pela mo te masani, kae ka lavea ne koe Ana fakamanuiaga mo vavega e fakaasi i tou olaga.



## Tusi Faitau-Galuega 16:25-26

Te Tamana alofa faka te lagi, e vikia kae tavaea tou igoa tapu. Ke ia koe a tavaega tafasili i te maluga me ia koe ko te Atua sili mo te Atua Tafasili Te Maluga.

Faipati  
Penei

# Talai Te Muna

Asogafua

# 21

Kae ka pefea o kalaga atu a tino ki a ia, manafai e seki talitonu latou ki a ia? Kae ka pefea foki o talitonu latou ki a ia, manafai e seki fakalogo eiloa latou ki a ia? Kae ka pefea foki la o lagona ne latou manafai e sei se failauga?

## Loma 10:14



I te muna o te aso nei, kafai a tino i ou tafa e lagona te Tala Lei, a latou ka manako ki a koe. Kafai e galo koe, a nisi tino i ou tafa ka mafai loa o sei se avanoaga o lagona kae maua ne latou a te Muna a te Atua. E lavea ne koe te taaua o koe?

Tela la, sa nofo se faipati. Ko oti ne tuku ne te Atua te Muna ki loto i tou loto mo tou gutu tela, “*Ke mau eiloa koe i te folafola atu, i taimi ‘tau mo taimi se ‘tau...*” (2 Timoteo 4:2). E mafai ne koe o fakaoga te talo o te Fakaolataga i te laupepa 48 o ‘taki latou ki a Keliso.

Masaua, a tamaliki a te Atua katoa e ‘tofu mo galuega taaua o talai te Muna a te Atua. Tela la, galue kiei i te aso nei.

## Tusi Faitau-Loma 1:16

**Ke Fai Te Talo**

28

Fakafetai te Tamana faka te lagi, me ne fakafonu mai au ki te loto naunau mo te alofa ke talai tau Muna i so se koga e fano au kiei. Au e talai mo te loto mafosi, a ko tino e lagona ne latou ka maua ne latou, i te Igoa o Iesu. Amene.

Asolua

22

# E Nofo Mo la A Tali

Me i te Alikī e sagatonu e iloa ona mata ki tino amiotonu,  
Kae fakalogo faeloa ki olotou 'talo...

## 1 Petelu 3:12

Ne faitau ne tatou a te tala gali o te Tupu ko Iosefatu i te Tusi Tapu. Ko oti ne maua ne ia te tala me e isi se kautau lasi ko vau o taua ki luta. E ui se tala fakamataku tenei, a ia ne fakatonu fakavave ko tino ke olo ki te Alikī i talosaga.

Ne seki fuli latou ki nisi atufenua o akai ki se fesoasoani, kae ne faipati latou ki te Atua. Se a te mea ne tupu? Ne avatu ne te Atua se palani kae ne takavale ei a te fili (2 Nofoaiga Tupu 20:3-17).

Se a te fakalavelave e fakafeagai mo koe i te vaitaimi nei? Faipati i 'gana kesekese kae faipati ki tou Tamana faka te lagi e uiga kiei, kae ka avatu ne ia se palani ke fakatoka kiei me i a la e nofo mo tali ki fakalavelave katoa o te olaga.



## Tusi Faitau-Salamo 34:15

Te Tamana alofa faka te lagi,  
fakafetai, me e lagona mai ne koe  
au ma talo atu, kae e aumai ne koe  
a aofaga fakaatua ke fakatoka kiei a  
fakalavelave, i te Igoa o Iesu. Amene.

Ke Fai  
Te Talo

# Sala Ki Te Poto

Asotolu

# 23

A tino poto e manako o tauloto...

## Faataoto 15:14



E tasi o pogai nisi tamaliki e lei atu i akoga me ia latou e tauloto malosi. E sala ne latou te poto i olotou meaakoga kae ne lei olotou meaakoga.

E pena foki te olaga. Te Muna a te Atua e aumai iei te iloa ki so se mea i te olaga. Tela la, ke maua a te olaga gali, e 'tau mo koe o maua te poto. Au e se faipati ki te poto faka te lalolagi, kae ko te poto e maua mai te Muna a te Atua.

Tela la, sala te poto; fano ki te Muna. I te taimi e tauloto fakalei ei ne koe a te Tusi Tapu mo te **Fiafia Lasi O Fakaasi A Lagona Tonu Mo Latou Ko Kamata Faitau** i aso taki tasi, ka maua ne koe te takitakiga fakaatua mo tou olaga.

## Tusi Faitau-Faataoto 18:15

### Ke Fai Te Talo

30

Fakafetai te Tamana faka te lagi mo te malamalama o te Muna e aumai ne koe. Kae e tauloto kae mafaufau loto au kiei i aso takitasi, e aumai ne ia a mea e faipati kiei e uiga mo toku olaga, i te lgoa o Iesu. Amene.

Asofaa

24

# Te Tautooga A Te Tamana

Kae ka tuku atu ne au ki a koutou a te mea tela ne fai feagaiga mai ei toku Tamana. Kae e 'tau mo koutou o fakatalitali i te fakai, ki te oko atu o te mana mai luga ki a koutou.

## Luka 24:49

E iloa ne koe me kooi e fakauiga kiei te muna fakapitoa o te aso nei tela ko te 'Tautooga a Te Tamana'? Ko te Agaga Tapu. Te Agaga Tapu ko te Tautooga a te Tamana (Isaia 32:15). E ui iei, e se mafai ne latou o maua te Tautooga ke oko ki taimi ko vau ei a te Aliko Iesu ki te lalolagi.

I te aso nei, te Tautooga a Te Tamana—te Agaga Tapu, ko nofo i te lalolagi. Ne vau mo la te malosi mo te iai o te Atua. I tena fakatasi atu, a tou olaga ia Keliso ka gali kae fonu i vavega.

Au e fakamalosi atu ki a koe ke akai koe ki a la ke vau ki loto i tou olaga manafai e seki talia ne koe a la. Kafai ko oti, fakasoko o fakagalue tena iai i loto ia koe i aso katoa i taimi e mafuta ei koe mo la i te faipati ki 'gana valevale, mo te tauloto o te Muna.




## Tusi Faitau-Galuega 1:4

Fakafetai, te Tamana alofa, mo te meaalofa taava ko te Agaga Tapu. I taimi e mafuta ei au mo la e auala i talosaga mo te tauloto o te Muna, a Tena malosi mo tena iai e lagona faeloa i luga ia au i taimi katoa, i te Igoa o Iesu. Amene.

Ke Fai  
Te Talo





# KOOI A IA?

## Fakailoa Mai Me Kooi Konei!

A fafine konei ne fesoasoani malosi i auala e sala kese ki nisi tino taaua i te Tusi Tapu. Fakatasi mo te fesoasoani e avatu, onono, kae fakailoa mai me kooi te fafine tena.

1. Ne fakasao ne ia tena avaga mo tena kaaiga katoa mai te kaitaua o Tavita. Kooi tena igoa? (Fesoasoani: 1 Samuēlu 25:2-37)

2. A ia se pelofeta fafine. Ne valo fakailoa ne ia te fakasalaga ka oko mai ki luta? Kooi tena igoa? (Fesoasoani: 2 Tupu 22:14-17)

3. A ia se pelofeta fafine foki kae nofo i lelusalema. Ne nofo taka i te valusefulu-fa tausaga kae e nofo faeloa i te Fale Tapu, kae faipati faeloa e uiga mo Iesu ki tino e sala ki se fakamagaloga. Kooi tena igoa? (Fesoasoani: Luka 2:36-38)

4. A ia se tokotasi o fafine ne fakaasi atu ia Iesu ko toetu, ko galo i te tanuga. Kooi tena igoa? (Fesoasoani: Luka 24:8-12)

5. A ia ko te tamaliki fafine ne tala te mataloa i te fale o Malia, tela e tokouke e fakatasi o talo mai tua o te vauga ki tua o Petelu mai te falepuipui. Kooi tena igoa? (Fesoasoani: Galuega 12:11-17)

6. E pele a ia ki a Paulo kae e faipati fakaaloalo a ia ki te fafine tenei. Ne fesoasoani atu te fafine nei ki a ia i auala kesekese. Kooi tena igoa? (Fesoasoani: Loma 16:1-2)

7. A ia se apositolo, ne Kelisiano a ia mai mua o Paulo, kae ne falepuipui fakatasi mo Paulo i se taimi. Kooi tena igoa? (Fesoasoani: Loma 16:7)

# TAIMI FAI FESILI! E MAUTINO E 40.



I te faiga fesili tenei, e isi se napa e lavea atu tena taaua kae aoga i auala e uke e taku mai i te Tusi Tapu. Onoono me kaia te napa tenei e taaua ei mai i fesoasoani kona e avatu.

1. Iona ne faipati ki tino i te fakai o Nineva me i loto i te ..... aso, Nineva ka fakatakavalegina. (Fesoasoani: Iona 3:3-4)  
A. 7 aso. B. 21 aso. C. 40 aso.
2. Iesu ne fakalikiliki i se leva e ..... ao kae ..... po i te koga lavaki. (Fesoasoani: Mataio 4:1-2)  
A. 60 ao kae 40 po. B. 50 ao kae 40 po. C. 40 ao kae 40 po.
3. Mai tua o Tena Toetu, Iesu ne nofo i te lalolagi i te ..... aso. (Fesoasoani: Galuega 1:3)  
A. 35 aso. B. 25 aso. C. 40 aso.
4. Mose ko ..... tausaga te matua i tena aasiga muamua ki tino Isalaelu i Aikupito. (Fesoasoani: Galuega 7:22-23)  
A. 40. B. 60. C. 80.
5. Mose ko ..... tausaga faopoopo o tena matua i te fakasae atuga te Agelu a te Aliko ki a ia i te lakau 'ka. (Fesoasoani: Galuega 7:30-31)  
A. 100. B. 80. C. 40.
6. Toe faopoopo te ..... tausaga ki tena olaga mai mua e mate a ia. (Fesoasoani: Teutelenome 34:5-7)  
B. 140. B. 30. C. 40.
7. Koliata, te tagata lasi, e kalaga faeloa ki sena nafa fakalua taimi i aso taki tasi, i te ..... (Fesoasoani: 1 Samuelu 17:16)  
A. 40 aso. B. 40 vaiaso. C. 40 masina.

# Ke Vave O Fakamagalo

Asolima

# 25

Ke fakatau fesoasoni koutou i a koutou eiloa, ke fakatau fakamagalo foki koutou i a koutou eiloa, manafai e isi se mea e se malie ei te sua tino ki te sua tino. E pela mo te Alike ko oti ne fakamagalo ne ia koutou, e 'tau foki mo koutou o fakatau fakamagalo.

## Kolose 3:13

"E se mafai ne au o fakamagalo tagata tena," Emele e fai ana fameo ki tena taugasoa pele ko Olivia i te fale 'kai a te akoga i te la 'kaiga i tutonu. "E faka'mae kii a pati a Lopati ne fai mai, tela la e se mafai ne au o fakamagalo a ia," muna Emele mo ana mata ita.

Kae ko Olivia ne fakaasi ne ia ki a Emele mai te Muna a te Atua me e mafai ne ia, kae e 'tau mo ia o fakamagalo a Lopati, me i a ia e fonu i te alofa o te Atua. "E tonu koe, Olivia. Te Atua e alofa kae ne fakamagalo ne la au e auala ia Keliso. E 'tau foki mo au o fai pena," A muna a Emele, kae ko fakamisikata.

E pela me se tama a te Atua, e se 'tau o faigata te fakamagalo o se tino tela ne faka'mae ne ia koe. Masava te alofa o te Atua ko oti ne 'ligi mai ne te Atua ki loto o tatou e alatu i te Agaga Tapu (Loma 5:5). Fakavave kae fakamagalo fakavave atu mo tou loto katoa.

## Tusi Faitau-Efeso 4:32

**Faipati Penei**

**Au e vave o fakamagalo, kae e fai mo toku loto katoa me i te alofa o te Atua ko oti ne 'ligi mai ki toku loto. Aleluia!**

Asoono

26

# Sa Taliagina Te Mataku; Loto Toa!

Iosua, e seai e iloa se malo e mafai ne ia o fakatakavale koe i aso koi ola ei koe. Au e fakatasi atu ki a koe, e pela mo au e fakatasi sale ki a Mose. Au ka fakatasi faeloa ki a koe; ka se tiakina e iloa ne au a koe.

## Iosua 1:5

Ko tuku atu te tiute ki a Iosua ke 'taki ne ia te fanauga a Isalaelu ki loto i te fenua ne tauto ne te Aliko ki a latou (Iosua 1:2). E iloa ne te Aliko me ka uke a fakalavelave e fakafeagai mo ia kae ne fakamalosi kiei ke loto malosia kae loto toa (Iosua 1:6).

Kona foki ana pati ki a koe i te aso nei. Sa taliagina te mataku o tu moo Iesu. Faitalia me nofo koe ifea; i te akoga, i tou fakai io me i se koga tafao, loto toa o faipati e uiga mo te alofa o Iesu ki te lalolagi.



## Tusi Faitau-1 Ioane 4:4

Te Agaga Tapu e ola ia au; tela la, au e fonu i te loto toa o faipati mo te Aliko i so se koga e fano au iei. Au e faipati mo te loto toa e uiga mo tena alofa tauanoa, tena alofa mo te lalolagi. Aleluia!

Faipati  
Penei

35

# Fakagalue Te Muna

Asotapu

# 27

Me ko te tino tela e fakalogologo fua ki te muna kae se fai ne ia, e pau a ia mo te tino tela e onoono ki te kilo kae matea ne ia ona foliga tonu. E onoono fua ki ona foliga, kae kafai e fano keatea mai i ei, puli fakavave ei i a ia me pefeā ona foliga.

## Iakopo 1:23-24

Ke fiasia koe i loto i fakamanuiaga a te Atua ki tou olaga, e 'tau mo koe o fakatino te Muna; se ko te fano fua ki te lotu kae i koga katoa e fano koe iei.

E penei, te Muna e fai mai, "...fakatagi mo talosaga, 'talo mo nisi tino, mo 'talo fakafetai ki te Atua moo tino katoa" (1 Timothy 2:1). Sa faka'tali ke fanaka ia koe ko talo ei koe mo nisi tino, ikai! Talo mo nisi tino me e fai mai pena te Muna. Tena te uiga o te fakagalue o te Muna.

Tela la, fai te mea nei me se faifaiga i aso katoa. E faitau ne koe te Fiasia Lasi O Fakaasi a Lagona Tonu Mo Latou Ko Kamata o Faitau, fai a mea e fakatonu atu i tusitusiga konei ke fai ne koe. Kafai ko talosaga, fakamautinoa ke talo koe. Me se a te mataupu e faipatigina, fai ne koe, kae ka fakamanuiagina koe.

## Tusi Faitau-Iakopo 1:25

**Ke Fai  
Te Talo**

36

Te Tamana alofa faka te lagi, au e tautali i tau Muna, kae i te fakagaluega ne au tau Muna i toku olaga, a fakamanuiaga mai te fakagalue o te Muna ne mea e olagina ne au i aso taki tasi, i te lgoa o Iesu. Amene.

Asogafua

28

# Te Fakasoologa o Mea Mai Te Atua

A mea 'lei katoa kola e maua fua mo meaalofa katoatoa takitasi, e mai te Atua i te lagi, tela ko te Tamana o te mainaga tela e tumau kae sei sona mafuliga foliki.

## Iakopo 1:17

I te lasiga o fale 'kai, e avatu ki a koe a te fakasoologa o igoa o meakai gali kae momona e kuuka ne latou. A mea kola e sei i te fakasoologa tena e se maua i te fale 'kai tena. Tela la, kafai tau oota e sei i te fakasoologa tena, e sei sau mea e maua.

Te Atua e isi foki sena fakasoologa; Tena fakasoologa tenei ko Tena Muna. I loto i Tena fakasoologa: te ola lei fakaatua, te maumea, te alofa, te fiafia, te filemu mo fakamanuiaga gali katoa o te olaga.

Tela la, tauloto kae mafaufau loto ki Tena Muna i taimi katoa, me i te Muna e isi sena 'mana o fai ke gali a vaega katoa o tou olaga.



## Tusi Faitau-Kalatia 5:22

Au e ola i se olaga e alofagina, e maumea, e manuia, e ola 'lei kae filemu. Aleluia!

Faipati  
Penei

37

# Tou Olaga Fou

Asolua

# 29

Kafai ko ola Keliso i loto i se tino, a ia se tino fou; ko teka keatea a te tino mua; kae kiloke, ko oko mai te foitino fou ki a ia.

## 2 Kolinito 5:17

Te muna o te aso nei se tasi o muna e pele ki a au mai te Tusi Tapu. Au e tafukefuke i te fiafia i taimi katoa e faitau ne au. E faipati e uiga mo tou olaga fou ia Keliso Iesu. Aleluia!

Te taimi e fanau fou ei koe, ko maua ne koe a te olaga fou katoatoa. Tenei te olaga o Keliso. Ko tena uiga a masaki, tigaina mo toilalo ko se toe fai mo vaega o tou olaga; ko tapale keatea fakatasi mo tou olaga mua (2 Kolinito 5:17). Aleluia!

Te olaga o Keliso ia koe ko fai koe ke katoatoa, tokagamalie kae lei. Tenei tou olaga nei; te olaga filemu, maumea, se gata te fiafia, te manuia mo manumalo e uke. Vikia te Atua!

## Tusi Faitau-Loma 8:10-11

**Faipati  
Penei**

**Ko nofo i loto ia au te olaga o Keliso.  
E fai ne ia au ke ola lei kae se mafai  
o pokotia ne masaki mo faamai.  
Aleluia!**

Asotolu

30

# Ola Moo Te Alik

Ne mate moo tino katoa, ko te mea ko tino kola e ola ke se ola moo latou, kae ke ola moo ia tela ne mate kae ne toetu ake.

## 2 Kolinito 5:15

Te Alik lesu ne tuku Tena ola mo tatou ke mafai ne tatou o fiafia i tena meaalofa tafasili te gali ko te ola se gata mai. E pela me ko Ana tamaliki, io tatou te tiute o ola mo la.

Fai ko mea katoa e uiga mo koe e fakasino a tino ki te Alik; ou gatu e pei, tau sasale mo mea a koe e fai. Fai ko latou i ou tafa ke lavea a lesu ia koe kae manako o iloa ne latou a la.

Masaua, te Tusi Tapu e fai me ia koe ko te mainaga o te lalolagi (Mataio 5:14). Tela la, fakamaina tou mainaga moo lesu i te aso nei kae 'taki latou ki a la. E mafai ne koe o fakaoga te talo o te Fakaolataga i te **laupepa 48** i taimi e 'taki ei ne koe latou ki a Keliso. Aleluia!



## Tusi Faitau-Filipi 1:27

Au e ola mo te Alik lesu, i aso katoa, o tautua a la, kae 'taki a tino e tokouke ki a la. Aleluia!

Faipati  
Penei



# Fakatakavale Te Masei Ki Te Lei

Asofaa

31

Ke se fakatakavale koe ne te masei; ka ke fakatakavale ne koe te masei ki te 'lei.

## Loma 12:21



Nisi tino e talitonu me ko too uke te masei e tupu i te lalolagi; tela la, ko faigata o lavea se mea lei. Kae e se tonu te mea nei. Te lei e malosi atu, lasi atu kae 'mafi atu ki te masei. E pela mo koe e ulu atu ki se potu pouli mo tau molisulu. Faitalia me pefea te pouli o te potu, te mainaga o te moli e malosi atu faeloa, kae e fakatakavale ne ia te pouliga.

E pela me se tama a te Atua, a koe se mainaga i te lalolagi (Mataio 5:14), a ko te Atua e manako ke fakamaina atu koe o fakatakavale te pouliga i ou tafa.

E fakamaina pefea? Sulu atu au galuega lei mo au pati atafai i koga katoa e fano koe iei. Kamata i te aso nei!

## Tusi Faitau-Filipi 2:15-16

Ke Fai  
Te Talo

40

Fakafetai, te Alikii, me ne fai ne koe au o sui atu tou Malo o te Mainaga. Au e fakamaina atu fakatasi mo aku galuega lei mo pati atafai i so se koga e fano au kiei i te aso nei, i te loaga o Iesu. Amene.

# Latou Ne 'Muamua'



Kooi ne 'muamua' o maua mea konei i te fakamauga a te Tusi Tapu? Fakamaua kae vase mai lalo o tali sao i filifiliga mai lalo. Fesoasoani e fakafaigofie ki a koe!

1. ....faite te fakai muamua (Fesoasoani: Kenese 4:17)  
A. Apelu. B. Atamu. C. Kaino.
2. .... ko te tino tausi fatoaga muamua. (Fesoasoani: Kenese 2:15)  
A. Atamu. B. Eva. C. Noa.
3. .... ko te leoleo mamoe muamua. (Fesoasoani: Kenese 4:2)  
A. Kaino. B. Apelu. C. Tavita.
4. ....ko te tino muamua o faite mea faigaluega ki palasi mo fiti. (Fesoasoani: Kenese 4:22)  
B. Iupalu. B. Tupalu-Kaino. C. Ilata.
5. .... ko te tino muamua i te Tusi Tapu o fakamavae te tai. (Fesoasoani: Esoto 14:21-22)  
A. Elia. B. Mose. C. Elisaia.

# ***Fakailoaga Gali***

## **Mea E Manakogina Ke Iloa Ne Koe E Uiga Mo Valoaga - Vaega 1.**

I te vaega o te Fakailoa Gali tenei, ka kamata tatou i te fakamatalaga foou o te "Mea E Manakogina Ke Iloa Ne Koe." E iloa ne au me e fia tauloto ne koe se mea foou. Ke onoono tatou me se a te valoaga mo tena taaua ki a koe e pela me se Kelisiano. Ke kamata tatou.

**SE A TE VALOAGA?** - Loma 9:8; 1 Kolinito 14:29-31.

E pela me se Kelisiano, a koe ko te tama o te valoaga. Ko tena uiga a koe ne fanau mai, faite, kae fakamanuia ne valoaga. Kae e tokouke a tino, e se malamalama me se a te uiga tonu o te valoaga.

I taku faiatuga ia koe se tama o te valoaga, e 'pau mo te famunaga a koe se tama o te tautoga. Ia Loma

# ***Fakailoaga Gali***

9:8 te muna "Tautoga" e fakauiga ki te Muna a te Atua.

Te Valoaga e faipati au kiei ko te valoaga o te Muna, kae e lua a vaega aoga o ia: e valo a mea mai mua (foretelling) mo te valo fakailoa (forth-telling).

"Valo a mea mai mua" ko tena uiga ko te fakamatala a mea mai mua o taimi i te mafaufau o te Atua e fakapitoa mo se tino io me ko tino, koga io me ne mea lasi e tupu.

"Valo fakailoa," i te sua feitu, e fakauiga ko te faipati ki tua, fakailoa ki tua io me fakamatala ke iloa a mea i te mafaufau o te Atua. Se takutonuga o se Muna fakapitoa mai te Atua ki se tino, ki tino, koga, io me faigamea mo se taimi fakapitoa.

Tela la, te valoaga, e lua ana vaega. Te vaega muamua ko te galuega a te pelofeta, a ko te sua uiga ko te fakaogaaga o meaalofa o te valoaga, tela e avatu ki so se Kelisiano tela e fonu i te Agaga Tapu.

# TALI

*Laupepa 32*

## KOOI A IA?

1. Tena igoa ko Apikaila (1 Samuelu 25:18-28).
2. Tena igoa ko Hulita (2 Tupu 22:14).
3. Tena igoa ko Ana (Luka 2:36-38).
4. Tena igoa ko Ioana (Luka 24:10).
5. Tena igoa ko Lote (Galuega 12:13).
6. Tena igoa ko Fipe (Loma 16:1-2).
7. Tena igoa ko Iunia (Loma 16:7).

# TALI

*Laupepa 33*

## TAIMI FAI FESILI! E MAUTINOA E 40

1. 40 aso.
2. 40 ao kae 40 po.
3. 40 aso.
4. 40 tausaga.
5. 40 tausaga te matua.
6. 40 tausaga faopoopo.
7. 40 aso.

# TALI

*Laupepa 32*

## LATOU NE 'MUAMUA'


5. C. Kaino.
6. A. Atamu.
7. B. Apelu.
8. B. Tupalu-Kaino.
5. B. Mose.

# Tusi I Tala FAKAMALOSI LOTO

Mo

TAMALIki

Nea Mea E Fagai Kiei Taimi O Tamaliki?




**Tatou e  
manumalo fua  
i te Muna a te  
Atua.**

Fakamaua a tusi  
tala penei ma tau  
Tamaliki I Te ASO  
NEI!

**To Order Call:** NIG: +234 1 8888186  
UK: +44 (0) 8001310604  
USA: +1(800) 620-8522  
Or send Email: [info@loveworldbooks.com](mailto:info@loveworldbooks.com),  
[info@kiddiesloveworld.com](mailto:info@kiddiesloveworld.com)  
Website: [www.loveworldpublishing.com](http://www.loveworldpublishing.com)





# TALO O TE FAKAOLATAGA

Faipati penei: “Te Aliko te Atua, au e talitonu mo toku loto katoa ki a Iesu Keliso, te Tama a te Atua ola. Au e talitonu i a la ne mate mo au a ko te Atua ne fakatuu aka a la mai te mate. Au e talitonu me e ola a la i te aso nei. Au e takotonu mo toku gutu me ia Iesu Keliso ko te Aliko o toku olaga kamata mai te aso nei. E auala i a la mo Tena Igoa, ko maua ne au te ola e se gata mai; Au ko toe fanau fou. Fakafetai lasi te Aliko, ko fakaola ne koe toku agaga! Au nei ko fai mo tama a te Atua. Aleluia!”

**48** Fakamaalo! A koe nei ko fai mo tama a te Atua!

## E UIGA MO TE TINO NE TUSI NE IA



Pastor Chris Oyakhilome ko te Pelesitene o te LoveWorld Inc., se minisituli i te lalolagi e malosi kae uke ana feitu kesekese, ne tusi ne ia te tusi napa 1 i te lalolagi o tapuakiga i aso takitasi, te Fiafia Lasi o Fakaasi a Lagona Tonu (Rhapsody of Realities), mo tusi aka e silia atu mo te 30. A ia se faifeau e galue malosi mo te Muna a te Atua ako ana talaiga ne aumai ne latou te tonuga o te olaga fakaatua ki loto o tino tokouke, e aofia iei tamaliki.

E fia piliona o tino ne maua te lagona mai ana fakasalalauga i te TV, pela mo te "Atmosphere For Miracles," "Your LoveWorld Specials" mo te "Healing Streams Live Healing Services." Te lasi o tena galuega talai i te televise ne fakalauefa atu i te lalolagi i fesokotakiga televise o te LoveWorld satelaiti, tela e avatu ei a polokalame Kelisiano aoga ki tino i te lalolagi.

I te Akoga o Fakaleiga ko lauiloa i te lalolagi, e fakaasi ne ia a galuega fakalei masaki a Iesu Keliso, tela ne tokouke a tino ne fakalei olotou masaki e auala i galuega o meaalofa a te Agaga.

Pastor Chris e naunau tena loto o talai atu ke oko ki tino i te lalolagi i te iai fakatasi o te Atua-se kalaga fakaatua e fakataunu ne ia ko silia mo te 40 tausaga e auala i ana galuega talai, fakamalosiga o talitonu mo nisi polokalame, ne fesoasoani a ia ki se fia piliona o tino ke olagina se olaga manumalo kae isi se fakamoemoega i loto i te Muna a te Atua.

## E UIGA MO TE TUSI

**Fiafia Lasi O Fakaasi A Lagona Tonu Mo Latou Ko Kamata Faitau** e fai ne ia te taulotoga o te Muna a te Atua ke lasi te fakafiafia!

A te tusiga fakapitoa mo aso takitasi e aumai ne ia te taulotoga o te Muna a te Atua i se fakatokaga lei.

A talosaga takitasi e aofia iei se talo io me se takutonuga o fesoasoani ki a latou ke fai a mea ko oti ne tauloto ne latou.

E aofia i loto ko nisi vaega e fakafiafia pela mo Fakailoaga tonu mai te Tusi Tapu, Salaaga Pati (Crossword Puzzles), Fakafonu a Vaaga (Fill in the Blanks), mo nisi mea e uke atu, Fiafia Lasi O **Fakaasi A Lagona Tonu Mo Latou Ko Kamata Faitau** se fakatokaga saukatoa o te Muna a te Atua tela ka fesoasoani o fagai olotou agaga!